

紹興縣志資料第一輯

第二冊

第二冊（重訂分冊）

紹興縣志資料第一輯

杭州古籍書店複印

人物志

名宦

〔唐〕

吳鐐乾寧初爲會稽令董昌反召鐐問策鐐曰王爲眞諸侯遺策子孫而不爲乃作僞天子自取滅亡昌叱斬之併族其家

新唐書 見府志卷四十一

〔宋〕

趙與權字悅道燕懿王八世孫嘉定中進士調會稽尉歷官端明殿學士三爲府尹盡力民事都人稱趙端明必以手加額國事皆縷縷言之有不勝書其愛君憂國本諸天性拜少傅卒遺表猶不忘規正嘗謂士大夫有貪聲則雖奇才與學徒以憂國害民爾故斂之夕其金帶猶質

錢民家云

宋史（萬歷志）稱其爲尉事
善政歟治 見府志卷四十二

〔明〕

吳成器休寧人由小吏爲會稽典史倭三百餘劫會稽爲官軍所逐走登龕山成器遮擊盡殲之未幾又破賊曹娥江擢浙江布政司經歷遭喪總督胡宗憲奏留之擢紹興通判論功進秩二級成器與賊大小數十戰皆捷身先士卒進止有方略所部無秋毫犯士民率於其戰處立

祠祀之

明史 王鴻緒任職傳云成器後改武秩（休甯縣志）成器父尉靖州直苗賊成器

仕歸 大小四十三戰寇平致

見府志卷四十三

吳達可字安節宜興人萬歷五年進士知會稽有聲選授御史歷通政使卒贈右副都御史

上同

張伯鯨字繩海江都人萬歷四十四年進士知會稽崇禎中擢兵備僉事轄榆林中路擊破賀思賢斬一座城金翅鵬敗套寇於長樂堡又分道擊破插漢部長及套寇於雙山魚河二堡崇禎十五年召爲兵部左侍郎乞休福王立於南京伯鯨家居不出久之揚州被圍與當事分城

守城破自經死

明史 同上

〔清〕

崔宗秦字斗瞻靖藩下恩貢知會稽清廉多惠政寬嚴互用不縱不阿時兵役繁興承上勸下處之裕如稱爲眞父母後陞常州知府

縣志見府志卷四十三

王風采字汝載湖廣黃岡人康熙己未進士授會稽知縣風采有幹局能力任大事不肯詭隨時知府李鐸以嚴明稱風采獨嶽嶽與爲異同然潔白自持知府無以難也部民董金氏以姪奪其腴田二百畝詣京師叩閣稱浙江無一職官上賜以黃衣遣歸命督撫鞠之及訊金氏衣

賜衣不肯庭跪風采在下座叱之慨其衣上官俱色動卽委風采丈勘所侵地止七畝疏上上令再讞卒從風采議上官器之風采治縣以戢豪族安閭左爲務而性復強記自城市至窮鄉其富家窶子狹邪武斷之徒能歷歷指其名每一牘入懸揣之輒得其主使與曲折之故及坐聽事出片語攝伏竟無遁情任會稽十四年民習而安之以老罷官卒於家訃至越人爲位臨哭郡守俞卿探輿情以許宏勳李鐸及風采請於學使從祀名宦復祀宏勳於戴山書院中與劉湯並列焉

俞志 王會新編越俗以人命爲居奇公必力爲斷雪生死曾不合冤至士子之有文行者必加意優禮吏胥之奸猾者必嚴爲懲戒廉善廉能合而爲一者也

高坦山東大名乾隆乙丑進士知會稽治行仁厚務期利濟蒼生以不負所學自奉甚約每食無兼味客曰何自苦乃爾曰非自苦也期以儉助廉耳客曰公誠廉奈體瘠何曰吾體瘠民必肥矣其刻己愛民如此

採訪冊 同上

高居崙山東濟甯人乾隆乙丑進士知會稽治尙安靜與民休息勤於撫字緩於催科古之循吏不是過也

採訪冊 同上

彭元璋字安廬江西南昌人雍正己酉舉人乾隆二十二年知會稽清廉公正問遺無所受請寄無所聽初下車卽大修縣學邑南皆山多虎患令鄉民徧置地阱設賞格親督捕之殆盡至今入山者忘其險焉舊無倉寄儲山陰民病之爲創建於廣甯橋都泗坊奸商牟鹽利昂其值

力爲詳革價得獨平縣境水道雖多皆淺狹旱則內河盡洩潦則田禾被浸積雨淹旬府城衝巷皆滿因相度地形築曹娥壩高壩水患遂平二十四都范洋地窪下歲被潮患復於烏石灘兩山間創建石閘三洞刻誌其啓閉之節得良田六千畝民呼彭公閘並築王公堤廟湖垵唐家閘三隄民立祠祀之陞東海防同知後分發四川隨將軍溫福征金川陣亡贈兵備道祀昭忠祠蔭一子知縣同上

鄉賢

〔唐〕

徐師道字太真會稽人浩之祖少有至行不干仕進妻行儉辟賓幕授九龍尉棄官歸隱及終諡曰文行先生師道精于翰墨墨池編見府志卷六十二 隱逸

韓梓材字利用施宿會稽志作杼材元稹觀察浙東幕府皆知名士梓材其一也筆蹟希顏魯

公沈傳師而加道麗

墨池編唐馬大碑韓梓材書見府志卷七十方伎

潘述張揖因淑獻書闕廷拜龍興尉述書賦云潘袁兩傾竭高歷志 同上

〔宋〕

賀某會稽人方回裔孫號鑑湖懶民作平遙細竹瀟灑可愛高歷志 同上

裘承詢越州會稽人居雲門山前十九世無異髮子弟習紱誦鄉里稱其敦睦州以聞詔旌其

門閭

宋史 燕翼貽謀錄 大中祥符四年十二月己未越州首會稽縣民裘承詢同居十九世家無異髮詔旌其門今二百三十六年矣余嘗至其村觀事猶在族入雖異居同在一村

中世推一人為長有事取決則坐于廳學有竹簾亦世相授族長欲捷有罪者則用之歲時會拜同飲咸在至今免役也萬曆志至和中李待制兌有詩云夫何于會稽卓然有裘氏同居

六百年和聚三千指昔賢欽義方列奏聞天子恩詔表門閭光華映梓里 見府志卷七十 義行

馬純字子約自號樓檄翁默之孫紹興中為江西漕隆興初以大中大夫致仕居越之陶朱鄉

有陶朱新錄

宋詩紀事 嘉泰志 僧宗昂住會稽能仁寺有故相寓寺中已而復相宗昂被敕住持郎官馬子約題詩寺壁云十年衰病臥林泉龍鶴羣飛競刺天黃紙除書猶

到汝固知清世不遺賢 見府志卷五十四 文苑

〔元〕

史明孫字融甫浩之元孫也性磊落見義勇為不以利誘威奪南宋既亡明孫自以宋世胄思

遜蹟產業日囑悉推與兄弟避地而逃歷東西浙至會稽家焉每天朗風清駕小艇載酒豐遇

佳山水即藉草而飲酒後耳熱歌離騷三兩章痛哭而歸又善講學娓娓不倦從遊之士得其

一語若饑十日而進太牢偶及時事則拂袖起不措一詞見號寒啼饑者輒忘其貧解衣食予

之著有越村等集兵燹後失傳 採訪冊 見府志卷六十二

〔明〕

茹佑字餘慶會稽人洪武中里有燬黃冊事獄成佑父當戍遼東佑號泣請代有司憐而許

之在戍所四十二年其季弟行簡走遼東復請代佑乃歸終于家

家傳見府志卷五十九 孝行

陳錄字憲章以字行號如隱居士會稽人善墨梅松竹蘭蕙筆意儒雅與王牧之齊名評者以

二家雖格意不同憲章筆力實過牧之

畫史會要見府志卷七十

方伎

陶廷佑字吉夫會稽人少英爽伉直受醫于族兄廷桂適內難大旨療治多奇中尙義輕財晚

年家愈貧質衣市藥意未嘗忘始無子年五十餘生子二人老而抱孫焉

俞志

王秉和字鳳山乾隆元年進士改庶吉士歷任刑部直隸安徽司主事奉天司員外郎吏部考

功司郎中授湖南衡永道改陝西洮岷道潔已勤職以清廉著稱所著書有蘭渚文稿咏物詩

箋採訪冊見府志卷五十四 文苑

袁立基會稽人以賣菜爲業奉養祖母與父母甘旨不缺父母相繼逝世哭泣之哀鄉里見者

皆爲流涕祖母尙存晨昏愈密自父母死後以菜易錢無論多寡日向靈前告祀一日立基病

絕粒數十日臥不能起時方秋雨傾盆敝廬忽圯人奔救謂壓覆死矣而立基早已扶病乞食

他方張觀察天如奇其事爲之立傳

採訪冊見府志卷五十九

董煒字叔明會稽人兄弟四人已析產而弟不壽遺寡婦三姪貧寒煒撫諸孤復合爨教育一

如己子嘗病劇其子坤壽忠武祠夢神賜竹葉數片詰朝見爐前有乾竹葉其數適如夢中所授攜歸服之病果愈後壽逾八旬卒採訪見府志卷六十一 一行

釋

〔南北朝〕

慧皎未詳氏族出家會稽嘉祥寺春夏宏法秋冬著述撰涅槃義疏十卷及梵網經疏行世又以名僧傳頗多浮沉因遂開例成廣著高僧傳一十四卷後不知所終見府志卷七十一

道芬會稽人畫山水格高嘉泰志案此與下顧况贈詩之道芬當係一人見府志卷七十一

〔唐〕

道芬工畫山水顧况稽山道芬上人畫山水歌鏡湖真僧白道芬不服朱審李將軍墨汁平鋪

洞庭水筆頭點出蒼梧雲且看八月十五夜月下看山盡如畫全唐詩同上

〔宋〕

雲門僧行持高僧也初住雍熙退院結庵西谷有詩云快活有時無奈何遠庵長嘯兩三聲其

高逸如此嘉泰志同上

雲門雲泉菴僧廣勤字行之能詩廉宣仲布嘗作墨梅贈之勤答以詩云筆端造化如東君著

嘉興縣志卷之四 藝文志 四

物不簡亦不繁宣仲大稱之以爲非僧詩也

嘉泰志同上

寓賢

〔唐〕

齊抗字遐舉定州義豐人少值天寶亂奉母夫人隱會稽壽州刺史張鎰辟署幕府抗吏事閑

敏有文雅累官中書侍郎同中書門下平章事贈戶部尚書諡曰成

新唐書 刻錄抗昔遊越鄉閩甌山水者垂三十載

初栖剡嶺後遷玉笥自解辟此山宋二紀面臺台銘 見府志卷六十二

杜甫少貧不自振客越李邕奇其才先往見之

新唐書 案甫有姑適會稽賀 揭同上

孟浩然自洛至越留越中兩年餘自洛之越詩云遶遶三十載書劍兩無成山水尋吳越風塵

散洛京久滯越中貽南池會稽賀少府詩云兩見夏雲起再聞春鳥啼懷仙梅福市訪舊若耶

溪會稽 揭英 集同上

〔宋〕

徐俯俯於紹興四年罷參政卜居會稽山之南卒葬伏虎山子璫葬蟹形山曾孫元杰博學多

才當理宗朝應舉入都史嵩之奪情起復上疏極諫不納歸

徐氏家譜

安如山字汝止廣漢人善擊劍左右射讀經史百氏之書端平甲午安撫曹友聞辟堂書記不

起友聞戰死如山往收其骨藏諸其先人之側乃東下老於會稽

宋史紀事同上

〔元〕

王立字彥成號虛白子廬山人幼明敏博學通古今善談笑學道會稽山中得石室藏書遂以詩酒放浪江湖間自號會稽外史長吟短詠有二李風近體五言如水迴嵐氣合風度竹聲遲香挹花間露涼生葉上風七言如荷露襲衣涼冉冉桐陰轉戶月疎疎近人月色如相識照水花枝若自憐皆天然佳句愛吳中山水清曠因寓居之以玉山草堂爲行窩焉鐵崖謂其人如行雲流水無所凝滯游方之外者也

元詩選小傳同上

〔明〕

周砥字履道吳人博學工文詞與宣興馬治善遭亂客治家治爲具舟車盡窮陽羨山溪之勝其鄉多富人與治善者咸置酒招砥砥心厭之一日貽書別治夜半遁去游會稽沒於兵

明史同上

列女

〔宋〕

吳氏三一娘

研北雜志云越州人

樓鑰云今玉篇惟越本最善末題云會稽吳氏三一娘寫問之越人無

能知者楷法殊精

攻媿集見府志卷六十四

〔明〕

王貞婦名妙清歸樓可先生二子而樓亡人數有憾之者舅姑亦憐其少俾更適人貞婦泣曰家縱貧得服勞於舅姑之側九泉之下當有以見吾夫有死而已不能從也事舅姑益致其恭敬二子皆成人頗能盡孝

宋 濟 集

史立模妾京都馮氏女初立模娶于蘇生子而夭乃置馮久之無子又納繼楊李氏李旋病瘵立模不復御矣一日立模受檄之他郡馮請召李立模搖手曰彼已廢無已寧汝可耳則給曰諾候立模既寢乃抱持李置衾中去李遂孕踰年生子自上生之日馮親爲噉臍愛護甚至後五年立模自惠州知府考績歸卒先是李已卒其後二年蘇亦卒自上甫八歲宗人睥睨物產時攘臂起馮以死力爭之又課婢僕有法家事不廢及自上從羣兒嬉遊則召撻之曰吾爲汝千辛萬苦始得汝今家運微史氏祀不絕如綫而若此耶泣與俱下是時邵主事德容方重于鄉因爲自上娉其女自上後領嘉靖四十三年鄉薦仕爲平陽府同知有五子次子元熙萬歷二年進士江西僉事七孫

舊志 同上

庠生史文燦妻施氏夫亡撫遺腹子邦陞爲手定句讀足未嘗出戶限歲歛施粥濟饑有稱貸者多方應之貧不能償焚其券

採訪 同上

史廷莘妻唐氏少寡親族以其子幼家貧咸諷令再醮有力者又思脇娶唐泣曰吾先葉太夫
人以一遺腹而昌子姓今吾有兩雛乃復事二夫耶因避居母氏之傍舍閨戶紡績以哺朝夕

後竟成立克大其家

採訪同上

金應寵妻丁氏早寡撫孤姪成立攻爲諸生氏苦節至六十四歲猶及見其孫鏞能文云

舊志

同上

朱大有妻何氏廣東人大有以樵採爲業被虎傷氏搏虎奪骸歸葬事姑存三歲孤以苦節稱

舊志同上

平昇妻馮氏昇爲寧晉縣丞卒于官家無積貯馮年二十五堅志守節撫三歲遺孤後力學有

成

舊志同上

謝氏武舉人授懷遠將軍殉節袁顯文妻年二十六夫歿欲從死爲家人所救遂守制撫孤家

貧甚賴氏十指舉火壽八十六而終

馮門四節者馮鉅妻柴氏生二子鉅亡卽欲自盡父母妯娌嚴防之乃截髮置棺中以矢相從

撫二子又撫孫歷受艱苦庠生馮維翰妻朱氏庠生馮昌文妻田氏庠生馮肇朴妻沈氏皆年

二十作未亡人茹冰飲藥足不踰閫沈更勤儉治家課子及孫皆有名享年並七十餘歲

王會新編

新嘉驛女子未知何氏驛在滋陽縣北四十里池臺古柏劇有幽致驛後土壁故會稽女子題詩處詩傳于世而驛壁字無存者有老驛卒秦登科年七十矣能誦其詩言某將軍挈家過此不知其姓名僕妾甚盛既早發失一燭檠尋覓得之壁間石碣上始見是詩蓋女子秉燭夜題者也世傳死驛中當時實未死事在萬歷四十七年其自序云余生長會稽幼攻書史年方及笄適于燕客嗟林下之風致事腹負之將軍加以河東獅子日吼戴聲今早薄言往想逢彼之怒鞭箠亂下辱等奴婢余氣溢填胸幾不能起嗟乎余籠中人耳死何足惜但恐委身草莽湮沒無聞故忍死須臾候諸妮子睡熟潛步後亭以淚和墨題三絕于壁庶知音讀之悲余生之不辰則余死且不朽銀紅衫子半蒙塵一盞孤燈伴此身恰似梨花經雨後可憐零落舊時春終日如同虎豹遊含情默坐恨悠悠老天生妾非無意留與風流作話頭萬種憂愁訴與誰對人強笑背人悲此詩莫把尋常看一句言成千淚垂

施同章箋
詩同上

邵一龍妻龍氏玉田人一龍以將材守備聽用密雲制標夫偶他出有客自京來索道者醉後

污詈竟夜氏不能堪自刎而絕天啓癸亥閏十一月事也

邵氏家傳同上

邵國相妻徐氏國相贅半載北遊不肯復歸父母欲奪女志女屢以死拒家貧紡績自給一日

有無賴子直入內幕女方滌盥盡以器擲之出哭避婦家由是父母逼之益力女朝夕惟祝早

死逾年竟卒年二十有七

探訪同

黃名世妻袁氏名世九歲入會稽庠氏父奇其才因以氏妻之相敬如賓居常無惰容藝語明

末土寇充斥焚劫蹂躪氏恐被汚辱抱幼女投井死

探訪同

邵夢恩繼妻陳氏未逾年夫亡撫前子若孫恩誼篤摯勤紆績至老不廢日禮誦金剛經崇禎

元年潮溢屋圯氏所列經案屹然不動人以爲誠節所感

探訪同

童氏昌平知州陳天福子婦崇禎九年大兵破昌平天福與子鍾石媳童氏孫媳顧氏皆死之

探訪同

陶履中母高氏北直指揮女因父被冤救父歸闕年十九而寡履中方在襁褓守節至八十餘

歲累封恭人子孫遼勝者幾盈百人

舊志同

謝錫宸母吳氏寄居蘇州早寡遭兵亂家資盡罄拮据完葬事姑撫孤備嘗辛苦茹荼三十餘

年

舊志同

鄭遵謙妻金氏遵謙爲鄭彩所害金每祭夫必縛草人書彩姓名寸斬以侑食彩聞之投金氏

海中屢顯靈異人稱小金娘娘

大清一統志一稱金四娘同

王氏內閣中書魯元贊妻崇禎甲申元贊爲賊掠死氏以子四人屬側室劉氏閨戶自經死

王會

新編
同上

陳孔教妻孔氏崇禎末孔教任四川僉事以獻賊破蜀死子以衡匿其狀不與母知踰二年始

知之哀號殞地遂引匕首斷喉死

舊志卽張孔教同

王延祚妻黃氏崇禎間延祚爲應天檢校輦貢過夏津時有遊兵夫婦被執一卒擊延祚垂斃黃給卒曰釋此我當與汝取寓中財物卒信之黃揣夫脫去乃嘆曰死卽死耳何財之有遂被

害後四年子令高爲臨清守城將陷妻黃氏赴井死摺紳爲撰雙烈傳

舊志

王楨妻張氏姑病篤張割股調羹藥以進人無知者閱二年姑卒張痛哭殞絕于地有持其手扶之以起者誤觸創血淋漓下始知隱忍已久而潰爛幾不可救矣楨字良幹任東城兵馬司

指揮從大司馬田吉籍魏忠賢家珍寶山積田多染指併以金磚一巨箱予楨事畢楨白田曰

尙有金箱未加封登籍田笑之未數月匿賊事發田遣戍擢楨王府長史

採訪同

高朗妻潘氏上虞潘一唯女贊朗之明年朗殉義潘時年十九孕彌月欲自絕姑何氏止之逾

月產男育逮七齡潘病姑欲進藥潘曰婦所以不卽死者徒以此兒故也今兒已能就口食矣

吾可死何藥爲決意不飲扼腕而絕

採訪

葉汝植妻王氏甲申寇變汝植與同奔桐塢謂曰吾得死所矣將汝何妻曰我自從死汝植拜

曰成我者子也同投阮家灣汝植死妻浮水去里人拯之強以食不可閱數日復投水死越殉義傳

〔明史〕葉汝植字衡生〔三藩紀事〕作汝衡一本又作汝菴〔無名氏客廬涉筆〕舟至湘湖同妻王氏繼水死〔陶文舉及申筆錄〕汝植家會稽之若耶溪避居桐塢山墓所投水死〔舊志〕

作甲申
開變死

魏國選聘妻某氏國選家貧父母欲毀盟女不奪志抱鬱而卒國選亦終身不再娶舊志

商景蘭字媚生會稽吏部尚書周祚女祁彪佳之配也祁商作配鄉里有金童玉女之目伉儷

相重未嘗有妾媵也彪佳懷沙日夫人年僅四十有二教其二子理孫班孫三女德淵德瓊德

苴及子婦張德意朱德蓉葡萄之樹芍藥之花題詠幾遍經梅市者望若十二瑤臺焉明時綜

〔清〕已旌

王業偉妻施氏早寡孤子振遠方五齡時王氏居京師二世氏奉先喪及業偉櫬還葬故里苦

節自矢子振遠進士女適陳光祖戶部郎中旌獎建坊志會

何氏陶美聚妻八歲時見人篆百壽圖諦視良久歸而仿之如出一手稍長受綱目通鑑及詩

古文俱識其大意二十三歲而寡遺孤三本支多寡有祀田咸思鬻之氏諫止勿聽急歸母家

或曰是可析而取也曷為歸氏曰吾惟不忍見其利以有此歸也精女紅于像生技尤工妙得

紹興縣志資料 第一輯 會稽之部 人物志 列女